



SUZA ilivyojipanga kutekeleza mradi wa HEET katika mageuzi ya elimu

Jesse Mikofu, Mwananchi

Benki ya Dunia imetoa mko-
wenye masharti nafuu wa
Dola za Marekani milioni 425
sawa na Sh972 bilioni kwa ajili
ya kutekeleza mradi wa Elimu
ya Juu kwa Mageuzi ya Kiu-
chumi (HEET) hapa nchini.

Mradi huo unatekelezwa
kupitia vyyo vikuu 14, Tume ya
Vyyo Vikuu Tanzania (TCU),
Bodi ya Mikopo ya Wanafunzi
wa Elimu ya Juu (HESLB) na
Tume ya Sayansi, Teknolojia
(COSTECH) na taasisi tano za
Wizara ya Fedha na Mipango.

Chuo Kikuu cha Taifa Zanzi-
bar (SUZA) ni miongoni mwa
vyyo vikuu 14 vilivyobahatika
kuwa sehemu ya utekelezaji
wa mradi huo wa miaka mita-
no kuanzia sasa na ukitarajiwa
kukamilika mwaka 2026.

Makamu Mkuu wa SUZA,
Profesa Mohammed Makame
Haji anaeleza jinsi chuo hicho
ikiwa ni taasisi pekee katika
mradi huo kutoka Zanzibar
ilivyojipanga kutekeleza na
kuleta mageuzi makubwa ya
kielimu.

SUZA kupitia Serikali Kuu
kama sehemu ya kuboresha
elimu ya juu, mradi ulitakiwa

kuanza 2019 lakini hauku-
anza kutokana na taratibu za
uwasilishaji wa andiko mpaka
WB kuhidhinisha badala yake
ukaanza mwaka 2021.

“Licha ya kuchelewa kido-
go kuanza lakini sisi tulianza
hatua za maandalizi katika
maeneo ambayo tunayafanyia
kazi. Tumekamilisha baadhi
ya matayarisho yanayohitaji-
ka licha ya kuwapo changamo-
to za kupokea fedha kutokana
na taratibu za uingizaji wa
fedha hizo kupitia akaunti ya
Benki Kuu ya Tanzania (BoT)
ya taasisi husika kisha unaom-
ba kupitia wizara ikiridhika
unapatiwa.” anasema

Anasema kwa SUZA kuliku-
wa na taratibu za ziada SUZA
pekee ikiwa sehemu ya muun-
gano kwa hiyo kule kukawa na
wepesi lakini SUZA ilitakiwa
iwe na hatua za ndani kwanza
kabla ya kuwasilisha kwenye
Serikali ya Muungano.

Fedha za awamu ya kwanza
zimeingizwa kutoka akaunti
ya SUZA BoT na kuingia katika
akaunti ya matumizi.

Kiasi kilichotengwa kwa aji-
li ya SUZA ni Dola za Marekani
20 milioni (46.8 bilioni) na

fedha hizi zimegawiwa katika
awamu nne ya matumizi hivyo
zitatumiwa kwa malengo yali-
yowekwa mpaka kukamilika
kwa mradi wote.

Maeneo ambayo mradi
umejikita kwa SUZA ni mata-
tu, eneo la kwanza ni kubore-
sha miundombinu ambapo
kutakuwa na ujenzi na hat-
ua za awali za kutengeneza
andiko na taratibu za awali
kutangaza zabuni zimekami-
lika.

Kwa sasa SUZA inamalizia
utengenezaji wa michoro ili
kutangaza kupata wakandara-
si wanaokidhi na wenye vigezo
kufanya kazi hiyo. Katika ujen-
zi, maeneo yatakayojengwa ni
matatu; hosteli zitakazokuwa
na uwezo wa kuchukua wana-
funzi 1000, wanaume 500 na
wanawake 500.

Pia itajengwa Lab complex
kwa ajili ya kuingiza vifaa
ambavyo vitakuwa vinahita-
jika kwa matumizi ya baadaye.

Profesa Makame anasema
kupitia mradi huo, watajenga
jengo la utawala ambalo lita-
kidhi mahitaji ya kiutawala
ikiwemo afisi, kumbi za miku-
tano na mambo mengine

ambayo yanaunga juhudi za
uendeshaji wa shughuli za
SUZA.

Upande mwingine wa
mradi, utatoa mafunzo kwa
wafanyakazi wa ndani na
mafunzo hayo yatakuwa kati-
ka ngazi mbili; shahada ya pili
(uzamili) na uzamivu (PhD).

Katika maeneo yaliyoain-
ishwa ya vipaumbele vya
mradi na hayo yamejikita
katika masuala ya sayansi na
teknolojia eneo ambalo lina-
husiana na uendeshaji wa shu-
ghuli hizo.

“SUZA tumekusudia
kufundisha wataalamu 70
kupitia fedha hizo katika ngazi
hizo, na masharti ya kufundis-
ha yanahitaji wataalamu hawa
waende katika vyyo vinavyot-
ambulika na vyenye heshima
kulingana na maeneo ya uma-
hili walionao.

“Kwa hiyo tutatumia vyyo
vya ndani vyenye uwezo wa
vingine vya nje kutengeneza
uwezo mzuri wa watendaji
hao baada ya kipindi hiki cha
mradi kupata fursa kwa kutu-
mia chuo,” anasema

Anasema mchakato huo

unakwenda vizuri tayari
awamu ya kwanza ya wana-
okwenda masomoni yame-
shafanywa na wakati wowote
walioomba na kukidhi vigezo
wataruhusiwa kwenda kuanza
masomo.

Mradi kwa vile umejikita
katika vipaumbele mahussi
hita wanaoomba wanatakiwa
kujikita katika maeneo hayo
haya.

Eneo la tatu, SUZA itabore-
sha hali ya masomo, kutaku-
wa na uandikaji wa programu
mpya katika ngazi ya shahada
na uzamili, kuangalia mahitaji
yaliyopo hivi sasa, lengo kuu
ni kuleta mabadiliko ya kiu-
chumi.

Hivyo, SUZA hasa imeanga-
lia pia katika maeneo makuu
ya kiuchumi na kisekta yali-
yopo kwa upande wa Zanzi-
bar ikiangazia katika mpango
wa sera ya uchumi wa buluu
ikilenga kuongeza nguvu ya
wataalamu katika eneo hilo.

Kwa hiyo itakuwa katika
masuala ya afya, utalii, kili-
mo na huduma na kwa upana
wake yale maeneo yaliyojikita
na sayansi kwahiyo hapa tut-
apata nafasi kupitia mitahala

tuliyonayo ili sasa iweze kuan-
dikwa upya kwa kushirikisha
wadau mbalimbali na wale
ambao ndio waajiri wa wahi-
timu wa vyyo.

Kupitia mpango huo
wataweza kupata uhalisia wa
programu iwe katika mazin-
gira yapi na kumfanya yule
anayemaliza chuo aweze kuji-
ajiri au kuajiriwa.

Profesa Makame anasema
kwa kipindi kirefu kumekuwa
na malalamiko kwamba baad-
hi ya wahitimu wa vyyo wana-
kosa ujuzi katika soko hivyo
kulazimika kuwapa mafunzo
mapya, mradi huu utaondo-
sha changamoto hizo.

Katika kuboresha masua-
la ya taaluma pia kuna kipen-
gele cha kuongeza nguvu ya
Tehama, mradi huo utatumika
kuongeza nguvu kununua
vifaa vinavyohitajika na
kuweka mifumo ya kuendesha
shughuli za chuo na kuongeza
nguvu za kitaaluma.

Bila shaka sasa hivi SUZA
ipo hatua za mwisho katika
kuanza matumizi ya ofisi
mtandao hivyo mradi uta-
ongeza nguvu hiyo.



CHUO KIKUU CHA TAIFA CHA ZANZIBAR (SUZA)

Sanduku la Posta 146, Zanzibar- Tanzania

Tovuti: <http://www.suza.ac.tz> Barua pepe: vc@suza.ac.tz

Kichocheo cha Maendeleo ya Jamii


KUMBUKUMBU YA MIAKA 23 YA KIFO CHA RAIS WA KWANZA WA JAMHURI YA MUUNGANO WA TANZANIA HAYATI MWALIMU JULIUS KAMBARAGE NYERERE

Baraza la Chuo, Menejimenti na Wanajumuiya wote wa Chuo Kikuu cha Taifa cha Zanzibar inaungana na watanzania na waafrika kwa ujumla katika maadhimisho ya kumbukumbu za miaka 23 ya kifo cha aliyekuwa Rais wa Kwanza wa Jamhuri ya Muungano wa Tanzania na baba wa Taifa Hayati Mwalimu Julius Kambarage Nyerere.

Daima ataendelea kukumbukwa kwa mchango wake mkubwa wa kuikomboa Tanzania na Afrika ambapo mpaka sasa bado maono yake yanaendelea kusihi ya kuitaka Tanzania kuwa nchi yenye umoja, amani na mshikamano. Aidha Chuo kinaahidi kuyaenzi na kutekeleza falsafa zake kivitendo katika kuleta ustawi wa wananchi kijamii na kiuchumi.

Chuo Kikuu cha Taifa cha Zanzibar kinaahidi kuendeleza juhudi za kutimiza wajibu wake wa kuchangia maendeleo ya elimu nchini na kuleta mabadiliko ya kiuchumi na kijamii kupitia utoaji wa elimu bora.

Kwa taarifa zaidi kuhusu Chuo Kikuu cha Taifa cha Zanzibar
tembelea tovuti <http://www.suza.ac.tz>



Julius Kambarage Nyerere
(1922 - 1999)

<http://www.suza.ac.tz>

vc@suza.ac.tz

Sanduku la Posta 146

Zanzibar, Tanzania